



Մայիսի 24-ին Գեղարդավանքի տարածքում տեղի ունեցավ ՀՀ ԱԺ նախագահ Հովիկ Աբրահամյանի հովանու ներքո անցկացվող ասմունքի հանրապետական մասնակապատանեկան 6-րդ մրցույթ-փառատոնի մարզային եզրափակիչ փուլը: Փառատոնն այս տարի նվիրված է Համո Սահյանին և Պարույր Սևակին: Այս փառատոնի նպատակն է՝ մատաղ սերնդի ուշադրությունը բևեռել հայ գրականությանը, սերմանել գալիք սերնդի մեջ հայոց լեզվի և պոեզիայի սերը, շարունակելի դարձնել հայ ասմունքի հարուստ ավանդույթները: 11-14 տարեկան տարիքային խմբում Բյուրեղավան քաղաքից մասնակցում էին 11 տարեկան Ալվինա Օսիպովան և 12 ամյա Արփինե Գրիգորյանը՝ հիմնական դպրոցից: Ալվինան հանդիսատեսին ներկայացրեց Համո Սահյանի «Հայ ժողովրդին», Պարույր Սևակի «Ղողանջ որբության» ստեղծագործությունները: Արփինեն կարդաց Հ. Սահյանի «Սև քրտինքե քամուն» և Պ. Սևակի «Բարևը»: 15-17 տարեկան տարիքային խմբում ավագ դպրոցից ներկայացան Սուսաննա Միրոյանը և Վահագն Մարտիրոսյանը: Սուսաննան ասմունքեց Հ. Սահյանի «Արագիլներ», Պ. Սևակի «Անկեղծ ասած», իսկ Վահագնը ներկաների դատին հանձնեց Հ. Սահյանի «Թե հնար լիներ» և Պ. Սևակի «Խոստանում եմ» բանաստեղծությունները: Չնայած այն փաստին, որ մեր երեխաները չարժանացան պատվավոր տեղերին, այնուամենայնիվ ասմունքեցին գեղեցիկ ու ճիշտ շեշտադրությամբ և առձեռն Կոտայքի մարզպետ Կովալենկո Շահգալոյանից ու ՀՀ ԱԺ նախագահից ստացան մրցանակներ մասնակցության համար: Նրանք շատ են սիրում ընթերցել և ուրախ են, որ ներկայացնում են իրենց քաղաքը: Խորհրդարանի ղեկավարը շնորհակալություն հայտնեց միջոցառմանն աջակցած բոլոր անձանց՝ մարզպետին, դպրոցների տնօրեններին, ժյուրիի անդամներին: «Տրամադրությունս բարձր է: Ուզում եմ այն փոխանցել բոլորին: Վեց տարի առաջ 3 հազար աշակերտ էր մասնակցում, իսկ այսօր մասնակիցների թիվը հասնում է 180 հազարի: Նախաձեռնողները վստահ չէին, որ այսօր այսքան մեծ թվով մասնակիցներ կունենանք: Դա մեր բոլորի նախաձեռնության, աշխատանքի արդյունքն է» - նշում է Հ. Աբրահամյանը: Կոտայքի մարզպետ Կ. Շահգալոյանը շնորհավորեց փառատոնի մասնակից երեխաներին և ասաց. «Մենք արդեն վեցերորդ անգամ մարզային փուլ ենք անցկացնում: Փորձել ենք Հովիկ Աբրահամյանի նախաձեռնությունն իրականություն դարձնել: Այն միտված է մատաղ սերնդի մոտ գրքի ու գրականության նկատմամբ սեր արթնացնելուն: Եվ դա ստացվել է: Այստեղ հաղթողներ և պարտվողներ չկան: Հաղթում է հայ մշակույթը»:

29.05.13.